



KEMENTERIAN PEMBANGUNAN  
USAHAWAN DAN KOPERASI  
MINISTRY OF ENTREPRENEUR DEVELOPMENT AND COOPERATIVES

## **KENYATAAN MEDIA MENTERI PEMBANGUNAN USAHAWAN DAN KOPERASI**

### **KUNJUNGAN HORMAT KE ATAS KETUA MENTERI SARAWAK DAN TIMBALAN KETUA MENTERI SARAWAK**

---

**KUCHING, 1 September 2020** - Kementerian Pembangunan Usahawan dan Koperasi (MEDAC) dan Kerajaan Negeri Sarawak komited dalam memastikan pembangunan sosio-ekonomi negara dan Sarawak khususnya dapat dipertingkatkan melalui agenda keusahawanan. Dalam program turun padang YB Menteri Pembangunan Usahawan dan Koperasi, YB Dato Sri Dr. Haji Wan Junaidi Tuanku Jaafar ke Sarawak bermula pada 29 Ogos hingga 1 September 2020 menunjukkan komitmen MEDAC dalam memastikan agenda keusahawanan negara terus dibudayakan ke seluruh pelusuk negara melalui kerjasama strategik bersama Kerajaan Negeri.

YB Menteri MEDAC telah mengadakan kunjungan hormat ke atas Timbalan Ketua Menteri Sarawak, YB Datuk Amar Douglas Unggah Embas merangkap Menteri Pemodelan Pertanian, Tanah Adat dan Pembangunan Wilayah Sarawak (MANRED). Pertemuan julung kali ini adalah antara usaha MEDAC bagi memastikan agenda keusahawanan negara terus dibudayakan di seluruh negara dan aspirasi negara sebagai sebuah 'Negara Keusahawanan Unggul Menjelang 2030'. Dalam pertemuan ini, MEDAC telah mencadangkan 3 jalinan kerjasama yang boleh diterokai merangkumi:

- Usaha-usaha koperasi bagi Persatuan Nelayan dan Perladangan;
- Penubuhan Cawangan Bank Rakyat di Sarawak; dan
- Kerjasama MEDAC dan Kementerian Pengajian Tinggi (KPT) mengenai latihan keusahawanan kepada pelajar universiti tempatan yang akan tamat belajar.

YB Menteri juga berkesempatan mengadakan kunjungan hormat ke atas Ketua Menteri Sarawak, YAB Datuk Patinggi (Dr) Abang Haji Abdul Rahman Zohari Bin Tun Datuk Abang Haji Openg. Kunjungan hormat ini merupakan pertemuan bagi memperkukuhkan lagi kerjasama yang telah dirancang di antara MEDAC dan Kerajaan Negeri Sarawak. Dalam pertemuan ini, YB Menteri MEDAC telah berpeluang berkongsi mengenai peranan, hala tuju dan fokus MEDAC dalam memperkukuhkan agenda keusahawanan negara. Perkongsian ini adalah bagi membentuk sinergi yang baik di antara kerajaan persekutuan dan negeri melalui pelaksanaan pelbagai inisiatif dan program keusahawanan kelak.

MEDAC berharap kerjasama strategik ini akan membantu dalam pembangunan sosio-ekonomi melalui agenda keusahawanan yang inklusif, mampan dan berdaya saing selaras dengan prinsip yang digariskan dalam Wawasan Kemakmuran Bersama 2030 (WKB2030).

**DATO SRI DR. HJ WAN JUNAIDI TUANKU JAAFAR**  
**MENTERI PEMBANGUNAN USAHAWAN DAN KOPERASI**